



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap tallimangornermi ulloq 24. november 2006-imi aalajangiinera pillugu Naalakkersuisunut ilisimatitsineq - Suliaq nr. 01.31.06/06-00206 (Naalakkersuisut aalajangiinerat ulloq 3. november 2006, imm. 2b)

Pineqartoq: Kontomi pingaarnermi 83.30.13, Nuna tamakkerlugu paaqqinnifinnut tunngasumi suliassanut, sanaartornermut atugassanit agguanneqanngitsunit atugassanngortitsinissaq

Naalakkersuisut **inassutigaat**,

kontomi pingaarnermi 80.00.00 Sanaartornermut atugassat agguanneqanngitsut, aningaasaliissutit 2006-imi 4.750.000 kr.-inik, 2007-imi 2,65 mio. kr.-inik aamma 2008-mi 1,0 mio. kr.-inik appartinneqassasut.

kontomi pingaarnermi 83.30.13 Nuna tamakkerlugu paaqqinniffiit, suliassap nr. 060.40.034 Meeqqanut inuusuttunullu paaqqinniffimmi pioreersumi immikkoortortat ilaneqarnissaat Nuuk, tamaatinneqarnerata kingunerisaanik kontomi pingaarnermi 80.00.10 Sanaartugassanut Iluarsagassanullu Aningaasaateqarfimmit nuutat, 500.000 kr.-it isertitatut ilanngunneqassasut.

kontomi pingaarnermi 83.30.13 Nuna tamakkerlugu paaqqinniffiit, aningaasaliissutit 2006-imi 5.250.000 kr.-inik qaffanneqassasut, taakkulu suliassamut nr. 120.40.038 Meeqqanut inuusuttunullu paaqqinniffimmi pioreersumi immikkoortortat ilaneqarnissaat Ilulissat, 3.550.000 kr.-inik aamma suliassamut nr. 150.40.036 Meeqqanut inuusuttunullu paaqqinniffimmi ilaqutariinnik katsorsaavik Uummannaq, 1.700.000 kr.-inik agguarneqassasut.

Kontomi pingaarnermi 83.30.13 Nuna tamakkerlugu paaqqinniffiit, aningaasaliissutit 2007-imi 2,65 mio. kr.-inik qaffanneqassasut, taakkulu suliassamut nr. 120.40.038 Meeqqanut inuusuttunullu paaqqinniffimmi pioreersumi immikkoortortat ilaneqarnerat Ilulissat, 1,65 mio. kr.-inik aamma suliassamut nr. 150.40.036 Meeqqanut inuusuttunullu paaqqinniffimmi ilaqutariinnik katsorsaavik Uummannaq, 1,0 mio. kr.-inik agguarneqassasut.

kontomi pingaarnermi 83.30.13 Nuna tamakkerlugu paaqqinniffiit, suliassamut nr. 120.40.038 Meeqqanut inuusuttunullu paaqqinniffimmi pioreersumi immikkoortortat ilaneqarnerat Ilulissat, aningaasaliissutit 2008-imi 1,0 mio. kr.-inik qaffanneqassasut.

Aningaasaqarnermut Ataatsimiititaliap oqaaseqaatai

Uummannami Meeqqat angerlarsimaffianni immikkoortup ilassutissaasup allap aammalu Ilulissani meeqqanut inuusuttunullu paaqqinnittarfissap suunissaanik nalunaarneqanngitsup Sarliaq-mut assingussagunartup sanaartornissaanut aningaasaliissutinik

atugassiissuteqarnissaq suliami matumani Naalakkersuisut qinnutigaat. Ilutigisaanik Nuummi meeqqanut inuusuttunullu paaqqinnittarfiup pioreersup immikkoortortassanut allamut, suliniummut naleqquttumik sanaartorfissamik nassaarnissaq ajornavissimammatt, aningaasaliissutit appartinneqarput.

Aningaasaqarnermut Ataatsimiititaliamit oqaatigineqassaaq, Naalakkersuisut ataatsimiititaliamut qinnuteqaataat iluaqutaasumik atuaruminarnerusinnaagaluarat. Taamatuttaaq konto pingaarnermut 80.00.10, Sanaartugassanut Iluarsagassanullu Aningaasaateqarfimmit nuussinernut tunngasumut missingersuutininut ilanngussat sanaartornermut aningaasaliissutaasut kukkusumik taaneqarsimapput. Konto pingarneq taaneqartoq isertitanut aningaasaliissutitut 2006-imi aningaasanut inatsimmi ilanngunneqarnikuuvoq. Missingersuutininut ilanngussap 2006-imut ilassutitut aningaasaliissutininut ilanngunneqannginnerani tamanna iluarsineqassasoq Aningaasaqarnermut Ataatsimiititaliap tunngavissaatippaa.

Aningaasaqarnermut Ataatsimiititaliap aalajangiinera

Siuliini oqaaseqaatigineqartuni innersuussutigineqartut tunngavigalugit Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**.

Inussiarnersumik inuulluaqqusillunga

Ellen Christoffersen
Aningaasaqarnermut Ataatsimiititaliami siulittaasoq